

**Tungaviusumik atuarfiit namminersortitat angerlarsimaffimmilu atuartitaaneq il.il. pillugit Inatsisartut inatsisaata allanngortinnissaa pillugu Inatsisartut inatsisissaattut siunnersuut**

**pillugu**

**Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliap**

**ISUMALIUTISSIISSUTAA**

(Tapiissutinik naatsorsuineq, PPR-ip aamma annertusisamik immikkut atuartitsinerit kommunitun tunniunneqarnerisa kingunerisat allanngorneri, il.il) m.v.)

**Siunnersuutip aappassanneernejarnerani saqqummiunneqartoq**

Ataatsimiititalia suliaqarnermi ukuninnga inuttaqarpoq:

Hans Aronsen, (IA), Siulittaasoq  
Jørgen-Ole Nyboe Nielsen, (D), Siulittaasup tullia  
Harald Bianco, (IA)  
Ruth Heilmann, (S)  
Aleqa Hammond, (S)

Siunnersuut ulloq 9. oktober 2012 inatsisartuni siullermeernejarnerata kingorna ataatsimiititaliamit misissorneqarpoq.

**Siunnersuutip imarisaa siunertaalu.**

Tungaviusumik atuarfiit namminersortitat angerlarsimaffimmilu atuartitaaneq il.il. pillugit Inatsisartut inatsisaat nr. 10, 15. april 2003-meersoq malillugu kommunit tungaviusumik atuarfinnut namminersortitanut tapiissuteqartarnerat pillugu maleruaqqusat erseqqissuunngitsutut paasineqarnerat aallaavigalugu siunnersuut suliarineqarpoq. Tamatumunnga pissutaavoq, inatsisip atuutilerneraniilli ataatsimoortumik tapiissutit tunniunneqartarnerinut tungaviit allanngortinneqarsimanerat.

Taamaattumik siunnersuummi siunertarineqarpoq qulakkiissallugu, tunngaviusumik atuarfiit namminersortitat, naak tapiissutitut tunngavissat allanngortinneqaraluartut inatsisit akuerineqassapat tamatuma nalinganik atuartut ataasiakkaarlugit tapiiffigineqartarnissaannik.

Taamaammat siunnersuutigineqarpoq, aningaasat atuartumut ataatsimoortumik tapiissutissat 2008-mi akinik aningaasarsianillu aqqiisarnermut assingusut 2013-imi qaffasissusissaattut annertutigisut toqqorneqassasut, tassa siunnersuutip 2013-imi januaarip aallaqqaataani atuutsinneqalernissaata siunnersuutigineqarnera pissutigalugu. Ilutigalugu siunnersuutigineqarpoq, kommunitut ataatsimoortumik tapiissutit aqutigalugit akinik aningaasarsianillu aqqiisarneq assigalugu siunnersuummi aningaasat pineqartut akinut aningaasarsianullu naleqqussarlugit aqqinneqartassasut.

Ilanngullugulu Kommunit 1. Januar 2012 aallarnerfigalugu PPR-mik immikkullu atuartitsinermik tiguserannut atatillugu pisariaqartinneqarpoq kingunissaritinneqartunik allannguinissaq.

Naggataatigullu sunnersuutigineqarpoq Naalakkersuisut tunngaviusumik atuarfiit namminersortitani atuartut amerlassusaasa ikinnerpaaffissaliinissaannut pisinnaatinneqarnissaannik.

### **Siunnersuutip inatsisartuni siullermeeneqarnera**

#### **Inuit Ataqtigiit**

Inuit Ataqtigiit siunnersuut taamatut isikkoqartillugu tamakkiisumik taperserpaat.

#### **Siumut**

Siumup siunnersuut taamatut isikkoqartillugu taperserpaat.

#### **Demokraatit**

Demokraatit siunnersuut taamatut isikkoqartillugu tamakkiisumik taperserpaat.

#### **Atassut**

Atassutip siunnersuut taamatut isikkoqartillugu tamakkiisumik taperserpaat.

#### **Kattusseqtigiit Partiiat**

Kattusseqtigiit Partiiata siunnersuut taamatut isikkoqartillugu taperserpaat.

**Tusarniaatitsinermi akissutit**

Siunnersuut piffissammi junip 1-niit julip 6-ata 2012, tungaanut tusarniutigineqarsimavoq, tusarniaanermilu akissutit ilanngussaq 1-tut ilanngunneqarsimasut innersuussutigineqarput.

Maluginiarneqassaaq, tusarniaanermi akissutit siunnersuummut allanguinissamut pissutissaqartitsisimangimmata. Kisiannili tusarniaanermi akissutit tunngavigalugit inatsisissatut siunnersuummut erseqqissaassutinik ilassutissanillu ataasiakkaanik ilanngussisoqarpoq.

Tusarniaaffigineqarsimasut katillugit 49-upput, taakkunannga 13-it akissuteqarsimallutik.

**Siunnersuummik ataatsimiititaliap suliarinninnera****Siunnersuutip aningaasatigut kingunissai**

Namminersorlutik Oqartussanut imaluunniit kommuninut aningaasatigut allaffissornerniluunniit siunnersuut kinguneqassanngilaq.

Inuttaasunut siunnersuut aningaasatigut kinguneqassanngilaq


Aningaasat 2008-misut qaffasitsigisumik akinut aningaasarsianullu aaqinneqartarnissaannut pissutaavoq, 2008 tassaammat ukioq kingulleq ataatsimoortumik tapiissuteqariaatsimut inatsisip atuutsinneqalernerani atuuttumut naapertuuttumik ataatsimoortumik tapiissutit naatsorsorneqarfiat.

Tamatumunnga atatillugu eerseqqissaatigineqassaaq, Sermersooq Kommuniata 2009-mili Tunngaviusumik atuarfiit namminersortitat angerlarsimaffimmilu atuartitaaneq pillugit inatsisit imatut paasisarsimmagut, kommunip meeqqanut atuartumut ataatsimut tapisiarisartagaasa annertussusaattut. Aningaasat taakku siunnersuutigineqartumit qaffasinnerungaatsiarput. Taamaattumillu kommunimut tapiissutigineqartartut annikillisinneqassagaluarpata Nuummi kommunip Tunngaviusumik atuarfik namminersortitaani pissutsit ajorserniarnerinik kinguneqarsinnaalluni. Erseqqissaatigineqassaarli maannakkutut tapiisarneq pillugu inatsisit tunngavigalugit tapiisarnermik annertunerusunik suli kommuni tapiissuteqarsinnaammat.

**Ataatsimiititaliap inassuteqaataa**

Tamanna tunngavigalugu ataatsimiititaliap isumaqatigiittup siunnersuut akuerisassanngortippaa.

Taamatut oqaaseqarluni isumaliutissiissummilu allassimasunut paasinnilluni ataatsimiititaliap siunnersuut aappassaanniigassanngortippaa.



Hans Aronsen  
Siulittaasoq



Jørgen-Ole Nyboe Nielsen  
Siulittaasup tullia



Harald Bianco



Ruth Heilmann



Aleqa Hammond